



Broj: 01-50-1-15-61/18  
Sarajevo, 17. 5. 2018.

BOSNA I HERCEGOVINA  
PARLAMENTARNA SKUPŠTINA BOSNE I HERCEGOVINE  
SARAJEVO

PRIMLJENO:	28-05-2018	Broj:	
Organizaciona jedinica	Klasifikaciona oznaka	Redni broj	Broj prijava

## ZAPISNIK

### 61. sjednice Predstavničkog doma Parlamentarne skupštine Bosne i Hercegovine, održane 17. 5. 2018.

Sjednica je počela u 10.10 sati.

Prisustvovalo je 38 poslanika. Odsustvovali su poslanici: Monika Tomić, Nermina Kapetanović, Senad Šepić i Jovan Vukovljak.

Sjednici su prisustvovali članovi Vijeća ministara BiH i zamjenik pravobranioca BiH.

Iz međunarodnih organizacija sjednicu su pratili predstavnici OHR-a, EUSR-a, iz nevladinih organizacija prisustvovao je predstavnici CCI-ja i CRS-a, te predstavnici američke, italijanske i hrvatske ambasade u BiH.

\*\*\*\*\*

Predsjedavajući Doma Mladen Bosić rekao je da će poslanicima, u skladu s članom 167. Poslovnika, na početku sjednice, a prije rasprave o dnevnom redu, biti omogućeno postavljanje poslaničkih pitanja u usmenoj formi.

U skladu s članom 168. Poslovnika, najave za postavljanje poslaničkih pitanja u usmenoj formi dostavili su sljedeći poslanici:

- **Maja Gasal-Vražalica** - Vijeću ministara BiH, Ministarstvu sigurnosti BiH i Ministarstvu civilnih poslova BiH,
- **Mirsad Donlagić** - ministru vanjske trgovine i ekonomskih odnosa BiH,
- **Duška Majkić** - ministru vanjske trgovine i ekonomskih odnosa BiH,
- **Šemsudin Mehmedović** - predsjedavajućem Vijeća ministara BiH,
- **Mirsad Isaković** - predsjedavajućem Vijeća ministara BiH,
- **Mensura Beganović** - ministru komunikacija i prometa BiH i ministru finansija i trezora BiH,
- **Staša Košarac** - zamjeniku ministrice odbrane BiH,
- **Salko Sokolović** - predsjedavajućem Vijeća ministara BiH,
- **Damir Arnaut** - ministrici za ljudska prava i izbjeglice BiH,

- **Jasmin Emrić** - predsjedavajućem Vijeća ministara BiH.

**Maja Gasal -Vražalica**

Pitanje upućeno Vijeću ministara BiH, Ministarstvu sigurnosti BiH i Ministarstvu civilnih poslova BiH:

- „Da li su djeca rođena u kampu u Siriji državljani Bosne i Hercegovine, budući da im je jedan od roditelja državljanin BiH, a djeca nisu nigdje upisana, dakle nemaju rodni list?
- Da li postoji strategija i/ili aktivnosti nadležnih za proces povratka žena i djece, državljana Bosne i Hercegovine, u Bosnu i Hercegovinu?
- Koji je status ovih žena i djece u kampu u Siriji?“

**Odgovor je dao zamjenik ministra civilnih poslova BiH Goran Ćosić. Poslanica Maja Gasal -Vražalica komentirala je odgovor, koji je zatražila u pisanoj formi.**

**Mirsad Đonlagić**

Pitanje upućeno ministru vanjske trgovine i ekonomskih odnosa BiH: „Da li vaše resorno ministarstvo, uz druge nadležne institucije, ima plan pozitivne promjene u sektoru proizvodnje hrane, a time da se i smanje potrebe građana Bosne i Hercegovine za uvoznom hranom?!“

**Odgovor je dao ministar vanjske trgovine i ekonomskih odnosa BiH Mirko Šarović. Poslanik Mirsad Đonlagić komentirao odgovor, koji je zatražio u pisanoj formi.**

**Dušanka Majkić**

Pitanje upućeno ministru vanjske trgovine i ekonomskih odnosa BiH: „Zašto Ministarstvo vanjske trgovine i ekonomskih odnosa BiH ne informira nadležne organe entiteta o stanju u oblasti proizvodnje i remonta naoružanja i vojne opreme (NVO), naročito proizvodnji za nedajbože? Jer proizvodnju za izvoz mi imamo informaciju kroz izvještaje, ali proizvodnju za nedajbože nikad o njoj nismo imali ni informaciju, niti znamo o čemu se i koliko radi. Drugo, koja pravna lica u Bosni i Hercegovini sve imaju dozvolu za bavljenje proizvodnjom NVO-a i koju vrstu sredstava i koje količine proizvoda proizvode? Dakle, treba mi pismena informacija o tome, i također dostaviti pismenu informaciju sa izvještajem inspektora, kod kojih je pravnih lica i kada vršen inspekcijski nadzor nad primjenom zakona u periodu 2015 – 2018. i kakvi su rezultati tih nalaza?“<sup>1</sup>

**Ministar vanjske trgovine i ekonomskih odnosa BiH, Mirko Šarović dao je odgovor. Poslanica Dušanka Majkić komentirala je odgovor, koji je zatražila u pisanoj formi.**

**Šemsudin Mehmedović**

Pitanje upućeno predsjedavajućem Vijeća ministara BiH: „Molim da mi se dostavi podatak o nacionalnoj strukturi svih zaposlenih poimenično u Generalnom sekretarijatu Vijeća

<sup>1</sup> Izvod iz neautoriziranog transkripta 61. sjednice Predstavničkog doma.

ministara BiH, uz naznaku funkcije, odnosno pozicije svih zaposlenih koju obavljaju. Podatak treba biti sačinjen i dostavljen u tabelarnom prikazu i to sa stanjem zaposlenih u Generalnom sekretarijatu Vijeća ministara BiH zatečenim u radnom odnosu na današnji datum, 17. 5. 2018, kao i ukupan broj zaposlenih i nacionalni omjer izražen u procentima.“

**Predsjedavajući Vijeća ministara BiH Denis Zvizdić dao je odgovor. Poslanik Šemsudin Mehmedović zatražio je odgovor u pisanoj formi.**

#### **Mirsad Isaković**

Pitanje upućeno predsjedavajućem Vijeća ministara BiH: „Ove godine došlo je tri puta do povećanja cijene nafte i naftnih derivata, i to: 1. februara od 20 do 25 feninga, 16. aprila od 5 feninga, 7. maja od 5 do 10 feninga. U najavi je poskupljenje od 5 do 10 feninga, dakle za protekla tri mjeseca nafta i naftni derivati su u prosjeku poskupili za 40 feninga. Poznato je da je u BiH formiranje cijena slobodno, pa distributeri i trgovci naftom i naftnim derivatima sami prilagođavaju cijene svjetskom tržištu. Svjestan situacije, upozoravam da će ovakvo povećanje cijena imati sigurnu lančanu posljedicu poskupljenjem usluga prijevoza i prehrambenih artikala, što bi bio udar na budžet građana. Zbog toga postavljam pitanje: Šta su Vijeće ministara BiH i nadležne institucije entiteta uradili na zaštiti građana od ovakvog udara na budžet građana, i ako nisu, šta planiraju uraditi?“

**Ministar vanjske trgovine i ekonomskih odnosa BiH Mirko Šarović dao je odgovor. Mirsad Isaković komentirao je odgovor te izrazio nezadovoljstvo njime i zatražio da mu se dostavi u pisanoj formi.**

#### **Mensura Beganović**

Pitanja upućena Ministarstvu komunikacija i prometa BiH i Ministarstvu finansija i trezora BiH:

1. „Koliko je institucija u BiH, RS-u, FBiH i Brčko Distriktu BiH koje još nisu registrirane u Glavnom registru, niti su prijavile evidencije o zbirkama ličnih podataka koje vode?
2. Da li Agencija u svom radu i aktivnostima ima bolju saradnju i odgovarajuću podršku Vijeća ministara BiH (u odnosu na izvještaj Agencije za 2016. godinu)?
3. Zašto nisu ispunjeni zahtjevi iz Rješenja od 5. 7. 2017. kojim je Agencija naložila Centralnoj izbornoj komisiji BiH da otkloni nedostatke u pogledu poštivanja Zakona o zaštiti ličnih podataka?“

**Ministar prometa i komunikacija BiH Ismir Jusko obavijestio je da će Agencija za zaštitu ličnih podataka BiH dostaviti odgovor, koji će Ministarstvo proslijediti poslanici Mensuri Beganović.**

#### **Staša Košarac**

Pitanje upućeno zamjeniku ministrice odbrane BiH: „Da li su tačne informacije da su u toku marta i aprila ove godine nastavne aktivnosti pripadnika Oružanih snaga BiH i Ministarstvo

odbrane BiH na organizaciji pripreme zajedničke vojne vježbe pripadnika Oružanih snaga BiH i Nacionalne garde američke države Merilend čije je održavanje planirano u maju 2019. godine na vojnom poligonu Manjača kod Banja Luke? S tim u vezi su i pitanja – Da li vježba uključuje upotrebe aviona A10, te gađanje ciljeva na zemlji bojevom municijom, odnosno da li za održavanje ove vojne vježbe postoji saglasnost Predsjedništva BiH i institucija Republike Srpske na čijoj teritoriji je planirano održavanje ove vojne vježbe?“<sup>2</sup>

**Zamjenik ministrice odbrane BiH Sead Jusić dao je odgovor. Poslanik Staša Košarac komentirao je odgovor, koji je zatražio u pisanoj formi.**

**Salko Sokolović**

Pitanje upućeno predsjedavajućem Vijeća ministara BiH: „Očito je da vlast ima ozbiljnu strategiju kako ugroziti standard građana BiH. Pitam predsjedavajućeg Vijeća ministara BiH – da li vlast koju predstavlja ima namjeru izraditi ozbiljnu strategiju da bi se zaustavile brojne negativne posljedice usvajanja Zakona o akcizama na naftu i naftne derivate kako bi se poboljšao standard građana BiH i zaustavili negativni trendovi?“

**Ministar vanjske trgovine i ekonomskih odnosa BiH Mirko Šarović rekao je da je isti odgovor koji je dat na pitanje Mirsada Isakovića. Poslanik Salko Sokolović komentirao je odgovor.**

**Damir Arnaut**

Pitanje upućeno ministrici za ljudska prava i izbjeglice BiH: „S obzirom na to da je Vijeće ministara BiH još 1. februara 2017. godine, dakle prošle, usvojilo Program rada za tu godinu kojim je bilo predviđeno usvajanje okvirnog zakona o pravima žrtava torture u Bosni i Hercegovinu, molim odgovor – zbog čega ministrica Borovac još uvijek nije ishodila utvrđivanje prijedloga ovog zakona na Vijeću ministara i njegovo upućivanje u parlamentarnu proceduru?“<sup>3</sup>

**Zamjenik ministrice za ljudska prava i izbjeglice BiH Predrag Jović dao je odgovor. Poslanik Damir Arnaut komentirao je odgovor.**

**Jasmin Emrić**

Pitanje upućeno predsjedavajućem Vijeća ministara BiH: „Koje će mjere i aktivnosti poduzeti Vijeće ministara BiH radi kontroliranog kretanja, regularnog smještaja migranata i njihovog boravka u Unsko-sanskom kantonu, te da li je ili kada će se aktivirati Akcioni plan operativnog djelovanja? Podsjećanja radi, navodim da aktiviranje Akcionog plana zahtijeva osiguranje značajnijih finansijskih sredstava, kao i usvajanje potrebnih odluka od strane Vijeća ministara BiH, stoga je vrlo važno da znamo koliko je Bosna i Hercegovina spremna

---

<sup>2</sup> Izvod iz neautoriziranog transkripta 61. sjednice Predstavničkog doma.

<sup>3</sup> Izvod iz neautoriziranog transkripta 61. sjednice Predstavničkog doma.

odgovoriti na postojeće stanje, te hitno djelovati radi održavanja kontrole i regulacije nadolazeće migrantske krize.“<sup>4</sup>

**Predsjedavajući Vijeća ministara BiH Denis Zvizdić dao je odgovor. Poslanik Jasmin Emrić komentirao je odgovor.**

\*\*\*\*\*

U okviru prethodnih pitanja, predsjedavajući Doma Mladen Bosić podsjetio je na to da je Kolegij Doma kao komisija, u skladu s članom 86. stav (2) Poslovnika, postigao saglasnost o sljedećim tačkama koje su bile na dnevnom redu prethodne, 60. sjednice, za koje u prvom krugu glasanja nije bilo potrebne entitetske većine, a to su:

- Prijedlog zakona o izmjenama i dopunama Zakona o radu u institucijama Bosne i Hercegovine, predlagач: Vijeće ministara BiH (zakon u drugom čitanju), broj: 01,02-02-1-377/18 od 20. 4. 2018,
- Prijedlog zakona o izmjenama i dopunama Zakona o upravnim sporovima BiH, predlagач: Vijeće ministara BiH (zakon u prvom čitanju), broj: 01,02-02-1-697/18 od 20. 4. 2018,
- Izvještaj Zajedničke komisije oba doma za postizanje identičnog teksta Zakona o dopunama Krivičnog zakona Bosne i Hercegovine, broj: 01,02-02-1-1830/17 od 20. 4. 2018. i
- Izvještaj o radu Odbora za žalbe građana Parlamentarne skupštine BiH za 2017. godinu, broj: 01,02-50-19-565/18 od 20. 4. 2018.

U vezi sa izmjenama i dopunama dnevnog reda sjednice predsjedavajući je napomenuo sljedeće:

**S dnevnog reda skinute su:**

- **Tačka 3.** Izvještaj Evropske komisije o Bosni i Hercegovini za 2018. godinu, broj: 01,02-06-1004/18 od 18. 4. 2018. i broj: 01-50-1-1021/18 od 24. 4. 2018, jer Zajednička komisija za evropske integracije nije održala sjednicu;
- **Tačka 7.** Prijedlog zakona o izmjenama i dopunama Zakona o upravnim sporovima BiH, predlagач: Vijeće ministara BiH, zakon broj: 01,02-02-1-697/18 od 7. 3. 2018. (drugo čitanje), na zahtjev Ustavnopravne komisije, koja je tražila produženje roka za dostavljanje Izvještaja o Prijedlogu zakona;
- **Tačka 16.** Godišnji izvještaj o rezultatima aktivnosti Institucije ombudsmena za ljudska prava BiH za 2017. godinu, podnosilac: Institucija ombudsmena za ljudska

---

<sup>4</sup> Izvod iz neautoriziranog transkripta 61. sjednice Predstavničkog doma.



prava BiH, broj: 01,02-37-776/18 od 19. 3. 2018, jer Zajednička komisija za ljudska prava nije održala sjednicu i

- **Tačka 18.** Izvještaj o radu Upravnog odbora Izvozno-kreditne agencije BiH za 2017. godinu, broj: 01,02-50-19-874/18 od 3. 4. 2018, na zahtjev Komisije za vanjsku trgovinu i carine.

**S dnevnog reda skinute su i:**

- **Tačka 24.** Davanje saglasnosti za ratifikaciju Ugovora o finansiranju između Bosne i Hercegovine i Republike Srpske i Evropske investicione banke i JP Autoputevi Republike Srpske - Autoput Banja Luka – Doboj B, broj: 01,02-50-2-1041/18 od 24. 4. 2018;
- **Tačka 25.** Davanje saglasnosti za ratifikaciju Sporazuma o saradnji između Vijeća ministara Bosne i Hercegovine i Vlade Republike Srbije u procesu pristupanja Evropskoj uniji, broj: 01,02-05-2-1068/18 od 26. 4. 2018. i
- **Tačka 26.** Davanje saglasnosti za ratifikaciju Posebnog sporazuma između Vijeća ministara Bosne i Hercegovine, koji zastupa Direkcija za evropske integracije BiH, i Švedske, koju zastupa Švedska agencija za međunarodnu razvojnu saradnju, o podršci Direkciji za evropske integracije, broj: 01,02-05-2-1102/18 od 3.5.2018, **jer Komisija za vanjske poslove nije održala sjednicu.**

**Dopunjena je tačka 7.** Prijedlog zakona o izmjenama Zakona o krivičnom postupku Bosne i Hercegovine, predlagач: poslanik Nikola Lovrinović, zakon broj: 01-02-1-791/18 od 21. 3. 2018, s **Mišljenjem Ustavnopravne komisije**, koje je negativno (Komisija nije utvrdila usaglašenost Prijedloga zakona sa Ustavom BiH i pravnim sistemom BiH).

**U dnevni red dodata je:**

- **Tačka 4.** Zahtjev poslanika Saše Magazinovića za razmatranje Prijedloga zakona o izmjeni i dopuni Zakona o zastavi Bosne i Hercegovine po hitnom zakonodavnom postupku, u skladu s članom 133. Poslovnika, broj: 01-02-1-1206/18 od 16. 5. 2018.

U raspravi o dnevnom redu učestvovali su poslanici: Nikola Špirić, Salko Sokolović, Nikola Lovrinović, Mirsad Đonlagić, Momčilo Novaković, Šemsudin Mehmedović, Dušanka Majkić, Sadik Ahmetović i Jasmin Emrić.

**Nikola Špirić** postavio je pitanje zašto u dnevni red sjednice nije uvrštena tačka: Stanje sigurnosti u Bosni i Hercegovini povodom alarmantnih izjava ministra sigurnosti BiH Dragana Mektića, koju je predložio na 59. sjednici Doma, 21.3.2018, a koja je, nakon što Kolegij kao komisija nije postigao saglasnost, usvojena u drugom krugu glasanja. Također, predložio je da se s dnevnog reda skine tačka 3. Zahtjev Vijeća ministara BiH za razmatranje Prijedloga zakona o izmjeni Zakona o Obavještajno-sigurnosnoj agenciji BiH po hitnom

zakonodavnom postupku, u skladu s članom 133. Poslovnika, broj: 01,02-02-1-1104/18 od 4. 5. 2018, jer se o njemu nije očitovala nadležna Zajednička komisija za nadzor nad radom OSABiH.

Predsjedavajući je rekao da je Kolegij Doma zatražio materijal od Vijeća ministara BiH, kako bi se mogla razmatrati tačka dnevnog reda koju je predložio poslanik Nikola Špirić. Vezano za drugi prijedlog, rekao je da poslovnički nije moguće skinuti tačku 3. jer je riječ o zahtjevu za hitni postupak, odnosno o obaveznoj tački dnevnog reda.

**Salko Sokolović** predložio je da se ipak razmatra tačka: Izvještaj Evropske komisije o Bosni i Hercegovini za 2018. godinu, broj: 01,02-06-1004/18 od 18. 4. 2018. i broj: 01-50-1-1021/18 od 24. 4. 2018, s obzirom na to da je riječ o važnom materijalu.

Predsjedavajući je rekao da je Dom na 9. hitnoj sjednici, održanoj 24.4.2018, zaključio da se zatraži mišljenje od nadležne Zajedničke komisije za evropske integracije, te zbog toga, na današnjoj sjednici, nije moguće razmatrati Izvještaj Evropske komisije o Bosni i Hercegovini za 2018.

**Jasmin Emrić** predložio je da se Izvještaj Evropske komisije o Bosni i Hercegovini za 2018. godinu, broj: 01,02-06-1004/18 od 18. 4. 2018. i broj: 01-50-1-1021/18 od 24. 4. 2018, vrati na dnevni red sjednice Doma, s obzirom na to da se na 9. hitnoj sjednici Doma nije raspravljalo o materijalu zbog odsustva predsjedavajućeg i članova Vijeća ministara BiH a ne zbog nedostatka mišljenja komisije.

Nikola Lovrinović, Salko Sokolović, Mirsad Đonlagić, Momčilo Novaković, Šemsudin Mehmedović, Dušanka Majkić i Sadik Ahmetović raspravljali su o problemu nedolaska poslanika na sjednice komisija i nepostojanja kvoruma, zbog čega se sjednice ne mogu održati i materijali se skidaju s dnevnog reda sjednica Doma, a što u velikoj mjeri usporava i blokira rad Doma.

Predsjedavajući je rekao da nije dostavljen nijedan pisani prijedlog za izmjene i dopune dnevnog reda, a s obzirom na pojašnjenja koja je ranije iznio vezana za prijedloge iz rasprave, konstatirao je da 61. sjednica Predstavničkog doma ima sljedeći

## **DNEVNI RED**

1. Usvajanje zapisnika 60. i 9. hitne sjednice Predstavničkog doma Parlamentarne skupštine BiH;
2. Komentari na dobivene odgovore na poslanička pitanja;
3. Zahtjev Vijeća ministara BiH za razmatranje Prijedloga zakona o izmjeni Zakona o Obavještajno-sigurnosnoj agenciji BiH po hitnom zakonodavnom postupku, u skladu s članom 133. Poslovnika, broj: 01,02-02-1-1104/18 od 4. 5. 2018;

4. Zahtjev poslanika Saše Magazinovića za razmatranje Prijedloga zakona o izmjeni i dopuni Zakona o zastavi Bosne i Hercegovine po hitnom zakonodavnom postupku, u skladu s članom 133. Poslovnika, broj: 01-02-1-1206/18 od 16. 5. 2018;
5. Izvještaj komisije Kolegija o nastojanju za postizanje saglasnosti o tome da li će se glasati o prijedlogu zaključka poslanika Amira Fazlića koji glasi: „Predstavnički dom Parlamentarne skupštine BiH predlaže Domu naroda Parlamentarne skupštine BiH da Zakon o izmjenama i dopunama Zakona o krivičnom postupku, predlagača poslanika Amira Fazlića (zakon broj: 01-02-1-668/18 od 5. 3. 2018) razmatra po hitnom zakonodavnom postupku“, akt broj: 01-02-1-668/18 od 20. 4. 2018;
6. Prijedlog zakona o izmjenama i dopunama Zakona o službi u Oružanim snagama BiH, predlagač: Vijeće ministara BiH, broj: 01,02-02-1-476/18 od 13.2.2018. (drugo čitanje);
7. Prijedlog zakona o izmjenama Zakona o krivičnom postupku Bosne i Hercegovine, predlagač: poslanik Nikola Lovrinović, zakon broj: 01-02-1-791/18 od 21. 3. 2018, s Mišljenjem Ustavnopravne komisije;
8. Prijedlog zakona o dopunama Okvirnog zakona o visokom obrazovanju u BiH, predlagač: poslanik Mirsad Đonlagić, zakon broj: 01-02-1-762/18 od 16. 3. 2018. (prvo čitanje);
9. Prijedlog zakona o Državnoj agenciji za istrage i zaštitu, predlagač: Vijeće ministara BiH, broj: 01,02-02-1-3010/17 od 21. 3. 2018. (prvo čitanje);
10. Izvještaj komisije Kolegija o nastojanju za postizanje saglasnosti o prijedlogu poslanice Aleksandre Pandurević za uvrštavanje nove tačke u dnevni red 60. sjednice Predstavničkog doma Parlamentarne skupštine BiH, koja glasi: Informacija o manjku papira za glasačke listiće:
  - a) Zaključak o formiranju Istražne komisije,
  - b) Zaključak o formiranju privremene Ad hoc komisije za praćenje provođenja Općih izbora u 2018. godini, broj: 01-50-1-15-60/18 od 20. 4.2018;
11. Izvještaj komisije Kolegija o nastojanju za postizanje saglasnosti o prijedlogu poslanika Senada Šepića za uvrštavanje nove tačke u dnevni red 60. sjednice Predstavničkog doma Parlamentarne skupštine BiH, koja glasi: Informacija o aktuelnoj poziciji, ocjeni spremnosti i sposobnosti Centralne izborne komisije BiH (CIKBiH) da organizira i provede fer izbore u oktobru 2018. godine“, broj: 01-50-1-997/18 od 20. 4. 2018;
12. Izvještaj komisije Kolegija o nastojanju za postizanje saglasnosti o prijedlogu poslanika Damira Arnauta i Saše Magazinovića za uvrštavanje nove tačke u dnevni red 60. sjednice Predstavničkog doma Parlamentarne skupštine BiH, koja glasi: Rasprava o radu, aktivnostima i postupcima CIK-a BiH u svjetlu predstojećih općih izbora i potrebe da budu organizirani u fer i poštenoj atmosferi, broj: 01-50-1-999/18 od 20. 4. 2018;
13. Zahtjev Ustavnopravne komisije Predstavničkog doma Parlamentarne skupštine BiH u vezi s Prijedlogom zakona o sprečavanju sukoba interesa u institucijama Bosne i Hercegovine, broj: 01/1-50-3-1-62/18, veza broj: 01-02-1-2573/17 od 17. 4. 2018;
14. Zahtjev Zajedničke komisije za usaglašavanje teksta Zakona o izmjenama Zakona o plaćama i naknadama u institucijama Bosne i Hercegovine za izmjenu jednog člana imenovanog iz Predstavničkog doma u Zajedničku komisiju, broj: 01,02-02-1-2015/17 od 17. 4. 2018;
15. Izvještaji Centralne banke BiH za 2017. godinu:
  - Finansijski izvještaji za godinu koja je završila 31. 12. 2017. i



- Godišnji izvještaj Centralne banke BiH za 2017. godinu, broj: 01,02-50-19-861/18 od 2. 4. 2018;
- 16. Izvještaj o radu Pravobranilaštva BiH za period 1. 1 – 31. 12. 2017, broj: 01,02-10-905/18 od 6. 4. 2018;
- 17. Izvještaj o radu Državne regulatorne komisije za električnu energiju u 2017. godini, broj: 01,02-50-19-951/18 od 13. 4. 2018;
- 18. Informacija o provođenju plana hitnih mjera i realizaciji aktivnosti navedenih u Informaciji o procjenama i mogućnostima Bosne i Hercegovine u vezi s pitanjem izbjegličke krize u regionu i Evropskoj uniji i pregledu situacije u vezi s migrantskom krizom na zapadnobalkanskoj ruti, materijal Vijeća ministara BiH, broj: 01,02,03-04-741/18 od 14. 3. 2018;
- 19. Informacija o projektu PRO-Budućnost i Platformi za mir, podnosilac: Ministarstvo za ljudska prava i izbjeglice BiH, broj: 01,02-37-1671/17 od 11. 7. 2017;
- 20. Izvještaj o razlozima neprimanja Agencije za razvoj visokog obrazovanja i osiguravanje kvaliteta BiH u punopravno članstvo Evropske organizacije za osiguravanje kvaliteta u visokom obrazovanju (ENQA), s konkretnim prijedlogom mjera za otklanjanje uočenih slabosti, podnosilac: Vijeće ministara BiH (realizacija poslaničke inicijative Salka Sokolovića, usvojene na 55. sjednici Predstavničkog doma, održanoj 21. 12. 2017, 17. 1. i 31. 1. 2018), akt broj: 01-50-1-2527-1/17 od 30. 3. 2018.

\*\*\*\*\*

#### **Ad.1. Usvajanje zapisnika 60. i 9. hitne sjednice Predstavničkog doma Parlamentarne skupštine BiH**

Predsjedavajući je dao uvodne napomene i otvorio raspravu. Nije bilo prijavljenih.

Dom je, s 32 glasa „za“ (iz Federacije BiH 19, iz Republike Srpske 13), bez glasova „protiv“ i jednim glasom „suzdržan“, **usvojio** Zapisnik 60. sjednice Doma.

Dom je, s 30 glasova „za“ (iz Federacije BiH 17, iz Republike Srpske 13), bez glasova „protiv“ i tri glasa „suzdržan“, **usvojio** Zapisnik 9. hitne sjednice Doma.

#### **Ad.2. Komentari na odgovore dobivene na poslanička pitanja**

Predsjedavajući je podsjetio na to da su, u skladu s članom 170. Poslovnika, do ove sjednice Doma pitanja u pisanoj formi dostavili poslanici:

- **Safer Demirović** – postavio pitanja Ministarstvu civilnih poslova BiH, Upravi za indirektno oporezivanje BiH i Zajedničkoj službi Sekretarijata Parlamentarne skupštine BiH – Sektoru za finansije,

- **Mirsad Đonlagić** – postavio pitanja Kolegiju Predstavničkog doma Parlamentarne skupštine BiH i Predsjedništvu BiH,
- **Nikola Lovrinović** – postavio pitanja v.d. glavnog tužioca Tužilaštva BiH, rektorici Univerziteta u Tuzli i glavnom disciplinskom tužiocu pri Visokom sudskom i tužilačkom vijeću BiH,
- **Maja Gasal-Vražalica** – postavila pitanje Ministarstvu pravde BiH,
- **Mirsad Mešić** – postavio pitanje direktoru Agencije za državnu službu BiH,
- **Damir Arnaut** – postavio pitanje predsjedavajućem Vijeća ministara BiH i ministru komunikacija i prometa BiH, te zatražio da se upute urgencije Ministarstvu vanjskih poslova BiH, predsjedavajućem Vijeća ministara BiH i ministru finansija i trezora BiH, u vezi s pitanjima na koja još uvijek nije dostavljen odgovor.

Sadržaj postavljenih pitanja je sljedeći:

### **Mirsad Đonlagić**

#### *Poslanička pitanja upućena Kolegiju Predstavničkog doma PSBiH:*

1. “Polazeći od vrlo teške kvalifikacije da je neko pitanje koje je postavljeno ili prijedlog teksta nekog zakona u suprotnosti sa Ustavom, bez obzira na to što u obrazloženju i stavovima nadležnih službi stoji da je on usklađen sa zakonom i članovima na kojima se pišu prijedlozi zakona. U tom smislu postavljam sljedeće pitanje:
  - Da li je moguće da je prijedlog popravki ili dopuna postojećeg zakona koji su usvojila oba doma Parlamenta BiH da se Ustavnopravna komisija izjasni da podneseni prijedlog nije u skladu sa Ustavom?
  - Molim vas da mi se navede koliko je takvih primjera bilo u ovom sazivu (od 2014. do danas).“
2. “Uručenje Privremenog izvještaja Evropske komisije za 2018. godinu upriličio je šef Delegacije Evropske unije u Bosni i Hercegovini i specijalni predstavnik Evropske unije u Bosni i Hercegovini gosp. Lars-Gunnar Wigemark Kolegiju Predstavničkog doma PSBiH. Ovom izuzetno značajnom događaju nisu prisustvovali poslanici iz Predstavničkog doma PSBiH! Tim povodom postavljam pitanje: Koji je razlog da poslanici iz PDPSBiH nisu prisustvovali ovom značajnom događaju?“

#### *Poslaničko pitanje upućeno članovima Predsjedništva BiH:*

„Da li vi, članovi Predsjedništva BiH, imate namjeru izraziti stajalište koje odražava interes i potrebe BiH i upozoriti visoke funkcionere bez obzira na to iz koje države dolazili, te jasno staviti do znanja da takve izjave i ponašanje ne doprinose pozitivnom razvoju bilateralnih odnosa, boljitku i napretku u BiH i regionu, nego da samo produbljuju i onako složenu i prijetecu političku sliku i stanje unutar BiH i regiona? (u vezi s govorom predsjednice Vijeća Ruske Federacije Federalne skupštine Ruske Federacije Valentine Matviyenko u Parlamentarnoj skupštini BiH)“

**Nikola Lovrinović**

Dopunsko poslaničko pitanje upućeno Univerzitetu u Tuzli rektoru prof. dr. Nermini Hadžigrahić:

1. postoji li katedra za hrvatski jezik na Filozofskom fakultetu Univerziteta u Tuzli i kakav dokument o osposobljenosti dobije student na kraju školovanja?
2. Kako su jezici zastupljeni u nastavnom procesu? Šta kaže Statut, na kojem službenom jeziku se odvija nastavni proces?
3. Što znači ravnopravna zastupljenost u izvođenju nastave, korištenju literature, polaganju ispita, pisanju seminarskih i diplomskih radova?
4. Ko je odobrio nastavni plan i program?
5. Kako su regulirana prava studenata na školovanje na vlastitom jeziku i kako to izgleda u praksi?
6. Možda bi bilo interesantno vidjeti i nacionalnu strukturu profesora?

Poslanička pitanja upućena Tužilaštvu BiH, v.d. glavnog tužioca Gordani Tadić:

1. "Koji je stav Tužilaštva BiH o traženju nestalih i stradalih iz Drugog svjetskog rata? Ima li Tužilaštvo BiH neki plan postupanja i kako se rješavaju slučajevi kod slučajnog ili namjernog pronalaska posmrtnih ostataka stradalih u Drugom svjetskom ratu?
2. S obzirom na to da sam 1.12.2016. dobio odgovore od Ministarstva pravde BiH (broj: 06-07-26-I0212/16 od 23.11.2016) koji nisu bili potpuni, molio bih da mi se dodatno dostave odgovori na sljedeća pitanja:
  - Dokle je došla istraga o otvorenim pitanjima ratnih zločina u selima Miletići i Bikoši – Moljine, odnosno na području općina Zenica i Travnik u aprilu - junu 1993. godine?
  - Dokle je došla istraga o ratnom zločinu ubistva Ive Ivoša u mjestu Sebešić, općina Novi Travnik?"

Poslaničko pitanje upućeno Uredu disciplinskog tužioca pri Visokom sudskom i tužilačkom vijeću BiH i glavnom disciplinskom tužiocu:

„Je li tačno da je predsjednica Suda u Bihaću disciplinskom tužiocu prijavila sudiju Reufa Kadrića koji u postupku suđenja u slučaju Šantić, po prijavi, nije preduzeo sve radnje koje je trebao preduzeti. Ako je tačno, šta je preduzeo vaš Ured?"

**Maja Gasal-Vražalica**

Poslanička pitanja upućena Ministarstvu pravde BiH

“Budući da sam od Nezavisne komisije za praćenje uslova u zavodima, postupanje i poštivanje ljudskih prava lica nad kojim se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena Krivičnim zakonom Bosne i Hercegovine ili međunarodnim ugovorom čija je potpisnica BiH, ili drugi sud u skladu sa zakonom Bosne i Hercegovine nisam dobila tražene odgovore. Molim Vas da mi date precizne podatke o:

1. broju osoba koje su zbog ratovanja na stranim ratištima i pridruživanju paravojnim formacijama izdržavaju kazne u KPZ-u,
2. u kojim KPZ-ima izdržavaju svoje kazne,
3. da li postoji poseban program za njih za vrijeme izdržavanja kazne koji bi bio popraćen sa stručnjacima koji rade na njihovoj deradikalizaciji, resocijalizaciji i slično,
4. ko čini tim stručnjaka koji rade s tim zatvorenicima/pritvorenicima?"

### **Mirsad Mešić**

#### Poslanička pitanja upućena direktoru Agencije za državnu službu BiH:

1. „Koliko je državnih službenika zaposleno u institucijama Bosne i Hercegovine od 31. 3. 2015. do 1. 4. 2018?
2. Koja su imena i prezimena, kao i pozicije na koje su postavljeni državni službenici u periodu od 31. 3. 2015. do 1. 4. 2018. na osnovu javnih konkursa? (tražim tabelarni prikaz)
3. Koliko je državnih službenika postavljeno s rezervnih listi, kojeg datuma, na osnovu kojeg konkursa, u kojoj instituciji, na kojem radnom mjestu i iz kojeg razloga? Molim da mi se također dostave imena i prezimena svih državnih službenika koji su postavljeni s rezervnih listi? (tražim tabelarni prikaz)“

### **Damir Arnaut**

#### Poslanička pitanja upućena ministru komunikacija i prometa BiH:

1. Molim da mi dostavite listu članova Vijeća Regulatorne agencije za komunikacije BiH (RAK), s tabelarno poredanim datumima imenovanja, periodom trajanja mandata, te datumom isteka mandata.
2. Kada će biti pokrenuta procedura izbora novih članova Vijeća RAK-a u onim slučajevima u kojim je mandat trenutnim članovima istekao?
3. Zašto među sedam članova Vijeća RAK-a trenutno nema nijedne žene?
4. Koliko osoba ženskog spola je Vijeće ministara BiH predložilo prilikom imenovanja trenutnog saziva Vijeća RAK-a?
5. Da li će prilikom provođenja procesa predlaganja (prema članu 39. Zakona, Vijeće ministara BiH predlaže kandidate) novih članova Vijeća RAK-a poštovati jasna odredba člana 36. (4) Zakona o komunikacijama koji propisuje: „Pri izboru i imenovanju članova Vijeća Agencije promovirat će se ravnopravna zastupljenost oba spola“, te također jasna odredba člana 39. (2) Zakona koja se odnosi na isto pitanje?

#### Poslanička pitanja upućena predsjedavajućem Vijeća ministara BiH:

1. U vezi s medijskim izvještajima da je gđa Pejka Medić, koja je odlukom Upravnog odbora BHRT-a u maju 2017. izabrana za direktoricu BH Radija 1, na svojim profilima na društvenim mrežama istakla fotografiju nad kojom piše: „Poklon drugarima s Kosmeta # Kosovojenašaduša“, a na kojoj fotografiji su „muškarci koji u



rukama drže izrezbareni drveni rad s likovima osuđenog ratnog zločinca krivog za genocid u Srebrenici i zločine protiv čovječnosti nad Bošnjacima i Hrvatima tokom rata u BiH Radovana Karadžića, osuđenog ratnog zločinca, srpskog generala i komandanta četničkog pokreta Draže Mihailovića te Ratka Mladića, optuženog za genocid, saučesništvo u genocidu i zločine protiv čovječnosti“, kao i da „među njenim objavama je i fotografija Vojničkog groblja u Bratuncu s natpisom „Ako danas čutiš o Bratuncu, sutra ne govori o Srebrenici“, molim da mi odgovorite:

1. Da li je Upravni odbor BHRT-a bio upoznat s ovim informacijama?
2. Da li je član Upravnog odbora gosp. Mufid Memija, koji je na prijedlog SDA, SDS-a i HDZ-a članova Klegija Predstavničkog doma Parlamentarne skupštine BiH, imenovan u UOBHRT-a, iako je bio trećerangirani kandidat od strane RAK-a, bio upoznat s ovim informacijama?
3. Ako član Upravnog odbora gosp. Mufid Memija, koji je na prijedlog SDA, SDS-a i HDZ-a članova Klegija Predstavničkog doma Parlamentarne skupštine BiH, imenovan u UOBHRT-a, iako je bio trećerangirani kandidat od strane RAK-a, nije bio upoznat s tim informacijama, zašto nije preduzeo radnje da se upozna s informacijama koje su očito bile javno dostupne?
4. Da li je član Upravnog odbora gosp. Mufid Memija, koji je na prijedlog SDA, SDS-a i HDZ-a članova Klegija Predstavničkog doma Parlamentarne skupštine BiH imenovan u UOBHRT-a, iako je bio trećerangirani kandidat od strane RAK-a, glasao za izbor gđe Pejke Medić?“

Identična pitanja postavio sam direktno UOBHRT-a, u oktobru i decembru 2017. godine. Oba puta UOBHRT-a dostavio je odgovor koji glasi: „na način određen Zakonom o Javnom RTV servisu BiH, u skladu s članom 11, članom 41, alinejom 12. i članom 42. stavom 3. Statuta BHRT-a, ako i u skladu s članom 8. stav 1. Zakona, sprovedena je procedura imenovanja direktora BH Radija 1. Upravni odbor BHRT-a je, nakon sprovedene procedure, izabrao najboljeg kandidata za direktora BH Radija 1 gđu Pejku Medić.“

S obzirom na to da se navedeni „odgovor“ ni u kojem smislu ne odnosi na moja pitanja, tražim da Vijeće ministara BiH pribavi odgovor na moja pitanja.

Konačno, podsjećam da je Zakon o parlamentarnom nadzoru („Službeni glasnik BiH“, broj 25/18) stupio na snagu 28. 4. 2018. te da su njime sada propisane sankcije za neodgovaranje na poslanička pitanja (član 64. stav (1)a) i b) Zakona).“

Predsjedavajući je rekao da su do današnje sjednice dostavljeni sljedeći odgovori na poslanička pitanja:

- U vezi s pitanjem **Maje Gasal-Vražalice**, postavljenim u pisanoj formi na 60. sjednici Doma, obavještenje je dostavila Nezavisna komisija za praćenje uslova boravka u zavodima, postupanje i poštivanje ljudskih prava lica nad kojima se izvršavaju krivične sankcije i druge mjere koje je izrekao u krivičnom postupku Sud Bosne i Hercegovine, strani sudovi za djela predviđena krivičnim zakonom Bosne i Hercegovine ili međunarodnim ugovorom čija je potpisnica BiH ili drugi sud u skladu sa zakonom BiH, a Vijeće ministara BiH dostavilo je odgovor na pitanje postavljeno u pisanoj formi na 60. sjednici Doma,

- na pitanje **Damira Bećirovića**, postavljeno u pisanoj formi na 59. sjednici Doma, odgovor dostavio sekretar Zajedničke službe Sekretarijata Parlamentarne skupštine BiH,
- na pitanje **Denisa Bećirovića**, postavljeno u pisanoj formi na 58. sjednici Doma, odgovor dostavilo Vijeće ministara BiH,
- na pitanja **Mirsada Donlagića**, postavljena u pisanoj formi na 60. sjednici, odgovore dostavili: Federalno ministarstvo obrazovanja i nauke, Federalno ministarstvo unutrašnjih poslova – Federalna uprava policije, Federalno ministarstvo pravde i Sud BiH,
- na pitanje **Senada Šepića**, postavljeno u usmenoj formi na 58. sjednici Doma, Vijeće ministara BiH prosljedilo odgovor Ministarstva sigurnosti BiH,
- na pitanje **Borjane Krišto**, postavljeno u usmenoj formi na 60. sjednici, odgovor dostavilo Ministarstvo sigurnosti BiH,
- na pitanje **Hanke Vajzović**, postavljeno u usmenoj formi na 60. sjednici, odgovor dostavilo Ministarstvo komunikacija i prometa BiH, a na pitanje postavljeno u pisanoj formi na 60. sjednici, odgovor je dostavilo Vijeće ministara BiH,
- na pitanje **Safera Demirovića**, postavljeno u pisanoj formi na 60. sjednici, odgovor dostavio sekretar Zajedničke službe Sekretarijata Parlamentarne skupštine BiH,
- na pitanje **Mirsada Mešića**, postavljeno u pisanoj formi na 59. sjednici, odgovor dostavila Agencija za lijekove i medicinska sredstva BiH,
- na pitanje **Mirsada Isakovića**, postavljeno u usmenoj formi u pripremi 61. sjednice, odgovor je dostavilo Vijeće ministara BiH (prosljeđen odgovor Ministarstva finansija i trezora BiH).

Dostavljene odgovore komentirali su poslanici: Mirsad Mešić, Borjana Krišto, Mirsad Isaković, Hanka Vajzović, Mirsad Donlagić i Damir Arnaut.

**Mirsad Mešić** komentirao je odgovor Agencije za lijekove i medicinska sredstva BiH, koji se tiče odobrenja za uvoz lijekova u Bosnu i Hercegovinu, te je predložio da, s obzirom na važnost teme, Vijeće ministara BiH posveti posebnu pažnju ovom pitanju.

**Borjana Krišto** komentirala je odgovor Ministarstva sigurnosti BiH, koji se odnosi na pitanje migrantske krize, te je izrazila nezadovoljstvo i zabrinutost njegovim sadržajem. Rekla je da je neophodno da Vijeće ministara BiH i sve nadležne institucije BiH što prije pristupe izradi plana aktivnosti koji podrazumijeva ostvarenje sigurnosti u BiH imajući u vidu i humanitarni karakter ovog problema.

**Mirsad Isaković** komentirao je odgovor Ministarstva finansija i trezora BiH o novčanim sredstvima prikupljenim od naplate putarina i načinu raspodjele tih sredstava na entitete i Brčko Distrikt BiH.

**Hanka Vajzović** izrazila je nezadovoljstvo odnosom Vijeća ministara BiH prema pitanjima poslanika i njihovim kašnjenjem u dostavljanju odgovora. Komentirala je odgovor Ministarstva komunikacija i prometa BiH u vezi sa izgradnjom Pelješkog mosta i odgovor Granične policije BiH u vezi s provođenjem reformi.

**Mirsad Donlagić** izrazio je zadovoljstvo odgovorom Federalnog ministarstva obrazovanja i nauke u vezi s dualnim sistemom obrazovanja. Komentirao je i odgovor institucija Tuzlanskog kantona u vezi s netransparentnom privatizacijom firme "Frigos" Čelić. Izrazio je nezadovoljstvo stavom Suda BiH da ne mogu dostavljati određene podatke.

**Damir Arnaut** tražio je da se zapisnički konstatira da je, pored ostalih, uputio i urgenciju sekretarki Zajedničke komisije za ljudska prava, čiji odgovor čeka od augusta 2017. Komentirao je pitanja na koja nije dostavljen odgovor i pored više upućenih urgencija, te je još jednom urgirao da Kolegij osigura dostavu odgovora na sva pitanja.

**Ad.3. Zahtjev Vijeća ministara BiH za razmatranje Prijedloga zakona o izmjeni Zakona o Obavještajno-sigurnosnoj agenciji BiH po hitnom zakonodavnom postupku, u skladu s članom 133. Poslovnika, broj: 01,02-02-1-1104/18 od 4. 5. 2018.**

Predsjedavajući je dao uvodne napomene.

U raspravi o hitnoj proceduri su učestvovali: Borjana Krišto, Mirsad Donlagić, Milica Marković, Dušanka Majkić, Predrag Kožul, Nikola Špirić, Aleksandra Pandurević, Hazim Rančić, Staša Košarac, Damir Arnaut, Šefik Džaferović i Safer Demirović.

„Za“ zahtjev za hitni postupak glasalo je 15 poslanika (iz Federacije BiH 11, iz Republike Srpske četiri), „protiv“ 17, „suzdržanih“ nije bilo. Predsjedavajući je konstatirao da nije usvojen zahtjev za razmatranje Prijedloga zakona o izmjeni Zakona o Obavještajno-sigurnosnoj agenciji BiH po hitnom zakonodavnom postupku.

Zatim se pristupilo izjašnjavanju o skraćenoj proceduri. „Za“ skraćenu proceduru glasalo je 19 poslanika (iz Federacije BiH 15, iz Republike Srpske četiri), „protiv“ 13, „suzdržanih“ nije bilo. Predsjedavajući je konstatirao da nema potrebne entitetske većine. Kolegij kao komisija odmah je pristupio usaglašavanju. Saglasnost nije postignuta. U drugom krugu glasanja, s 19 glasova „za“, 13 „protiv“ (iz Federacije BiH pet, iz Republike Srpske osam) i bez „suzdržanih“ glasova, odlučeno je da se Prijedlog zakona o izmjeni Zakona o Obavještajno-sigurnosnoj agenciji BiH razmatra **po skraćenom zakonodavnom postupku**.

**Ad.4. Zahtjev poslanika Saše Magazinovića za razmatranje Prijedloga zakona o izmjeni i dopuni Zakona o zastavi Bosne i Hercegovine po hitnom zakonodavnom postupku, u skladu s članom 133. Poslovnika, broj: 01-02-1-1206/18 od 16. 5. 2018.**

Predsjedavajući je dao uvodne napomene i otvorio raspravu o proceduri. U raspravi su učestvovali: Saša Magazinović, Damir Arnaut i Mirsad Donlagić.

„Za“ zahtjev za hitni postupak glasalo je 14 poslanika (iz Federacije BiH 13, iz Republike Srpske jedan), „protiv“ 11, „suzdržanih“ devet. Predsjedavajući je konstatirao da nema potrebne entitetske većine. Kolegij kao komisija odmah je pristupio usaglašavanju. Saglasnost nije postignuta. U drugom krugu glasanja, s 11 glasova „za“, 18 „protiv“ (iz Federacije BiH osam, iz Republike Srpske 10) i pet glasova „suzdržan“, nije prihvaćen zahtjev za razmatranje Prijedloga zakona o izmjeni i dopuni Zakona o zastavi Bosne i Hercegovine po hitnom zakonodavnom postupku.

Zatim se pristupilo izjašnjavanju o skraćenoj proceduri. „Za“ skraćenu proceduru glasalo je 19 poslanika (iz Federacije BiH 18, iz Republike Srpske jedan), „protiv“ 10, „suzdržanih“ pet. Predsjedavajući je konstatirao da nema potrebne entitetske većine. Kolegij kao komisija odmah je pristupio usaglašavanju. Saglasnost nije postignuta. U drugom krugu glasanja, s 19 glasova „za“, 11 „protiv“ (iz Federacije BiH dva, iz Republike Srpske devet) i četiri glasa „suzdržan“, odlučeno je da se Prijedlog zakona o izmjeni i dopuni Zakona o zastavi Bosne i Hercegovine razmatra **po skraćenom zakonodavnom postupku**.

**Ad.5. Izvještaj komisije Kolegija o nastojanju za postizanje saglasnosti o tome da li će se glasati o prijedlogu zaključka poslanika Amira Fazlića koji glasi: „Predstavnički dom Parlamentarne skupštine BiH predlaže Domu naroda Parlamentarne skupštine BiH da Zakon o izmjenama i dopunama Zakona o krivičnom postupku, predlagača poslanika Amira Fazlića (zakon broj: 01-02-1-668/18 od 5. 3. 2018) razmatra po hitnom zakonodavnom postupku“, akt broj: 01-02-1-668/18 od 20. 4. 2018.**

Predsjedavajući je dao uvodne napomene. Rasprava je okončana na prethodnoj sjednici.

U drugom krugu glasanja, s 18 glasova „za“, 11 „protiv“ (iz Federacije BiH tri, iz Republike Srpske osam) i četiri glasa „suzdržan“, Dom je **prihvatio da se glasa** o prijedlogu zaključka poslanika Amira Fazlića.

„Za“ prijedlog zaključka glasalo je 18 poslanika (iz Federacije BiH 16, iz Republike Srpske dva), „protiv“ 11, a „suzdržana“ su bila četiri poslanika. Predsjedavajući je konstatirao da nema potrebne entitetske većine i da će Kolegij Doma kao komisija obaviti naknadno usaglašavanje o prijedlogu zaključka poslanika Amira Fazlića, koji glasi:



„Predstavnički dom Parlamentarne skupštine BiH predlaže Domu naroda Parlamentarne skupštine BiH da Zakon o izmjenama i dopunama Zakona o krivičnom postupku, predlagača poslanika Amira Fazlića (zakon broj: 01-02-1-668/18 od 5. 3. 2018), razmatra po hitnom zakonodavnom postupku.“

**Ad.6. Prijedlog zakona o izmjenama i dopunama Zakona o službi u Oružanim snagama BiH, predlagač: Vijeće ministara BiH, broj: 01,02-02-1-476/18 od 13.2.2018. (drugo čitanje)**

Nakon uvodnih napomena predsjedavajućeg nije bilo rasprave.

Prijedlog zakona o izmjenama i dopunama Zakona o službi u Oružanim snagama BiH **usvojen je u drugom čitanju** s 21 glasom „za“ (iz Federacije BiH 16, iz Republike Srpske pet), bez glasova „protiv“ i 12 glasova „suzdržan“.

**Ad.7. Prijedlog zakona o izmjenama Zakona o krivičnom postupku Bosne i Hercegovine, predlagač: poslanik Nikola Lovrinović, zakon broj: 01-02-1-791/18 od 21. 3. 2018, s Mišljenjem Ustavnopravne komisije**

Predsjedavajući je dao uvodne napomene i otvorio raspravu. U raspravi su učestvovali Nikola Lovrinović i Damir Arnaut.

Nikola Lovrinović predložio je zaključak, koji glasi: „Zadužuje se Vijeće ministara BiH da u dnevni red prve naredne sjednice Vijeća uvrsti tačku - izmjene Zakona o krivičnom postupku BiH i da izvijesti Predstavnički dom Parlamentarne skupštine BiH o svom stavu o prijedlozima zakona koji su u proceduri u PSBiH.“ Prijedlog zaključka nije usvojen – „za“ je glasalo 14 poslanika (iz Federacije BiH pet, iz Republike Srpske devet), „protiv“ 18, „suzdržan“ jedan.

Sa 18 glasova “za” (iz Federacije BiH 13, iz Republike Srpske pet), 13 “protiv” i dva glasa “suzdržan”, Dom **je usvojio** negativno mišljenje Ustavnopravne komisije, čime je **odbijen** Prijedlog zakona o izmjenama Zakona o krivičnom postupku Bosne i Hercegovine, u skladu s članom 113. stav (2) Poslovnika Predstavničkog doma.

**Ad.8. Prijedlog zakona o dopunama Okvirnog zakona o visokom obrazovanju u BiH, predlagač: poslanik Mirsad Đonlagić, zakon broj: 01-02-1-762/18 od 16. 3. 2018. (prvo čitanje)**

Nakon uvodnih napomena, predsjedavajući je otvorio raspravu. U raspravi **su** učestvovali: Mirsad Đonlagić, Zaim Backović, Nikola Lovrinović i Damir Arnaut.

„Za“ Prijedlog zakona o dopunama Okvirnog zakona o visokom obrazovanju u BiH glasalo je 14 poslanika (iz Federacije BiH 13, iz Republike Srpske jedan), 13 „protiv“, a šest je bilo „suzdržanih“. Predsjedavajući je konstatirao da nema potrebne entitetske većine, te da će Kolegij kao komisija obaviti **naknadno usaglašavanje o Prijedlogu zakona u prvom čitanju**.

**Ad.9. Prijedlog zakona o Državnoj agenciji za istrage i zaštitu, predlagač: Vijeće ministara BiH, broj: 01,02-02-1-3010/17 od 21. 3. 2018. (prvo čitanje)**

Predsjedavajući je dao uvodne napomene. U raspravi su učestvovali: Hazim Rančić, Damir Bećirović i Nikola Lovrinović.

„Za“ Prijedlog zakona o Državnoj agenciji za istrage i zaštitu glasalo je 18 poslanika (iz Federacije BiH 14, iz Republike Srpske četiri), osam „protiv“, a sedam je bilo „suzdržanih“. Predsjedavajući je konstatirao da nema potrebne entitetske većine, te da će Kolegij kao komisija obaviti **naknadno usaglašavanje o Prijedlogu zakona u prvom čitanju**.

**Ad.10. Izvještaj komisije Kolegija o nastojanju za postizanje saglasnosti o prijedlogu poslanice Aleksandre Pandurević za uvrštavanje nove tačke u dnevni red 60. sjednice Predstavničkog doma Parlamentarne skupštine BiH, koja glasi: Informacija o manjku papira za glasačke listiće:**

- a) Zaključak o formiranju Istražne komisije,
- b) Zaključak o formiranju privremene Ad hoc komisije za praćenje provođenja Općih izbora u 2018. godini, broj: 01-50-1-15-60/18 od 20. 4. 2018.

Predsjedavajući je dao uvodne napomene. Nije bilo rasprave o ovoj tački.

Prijedlog poslanice Aleksandre Pandurević **usvojen je u drugom krugu glasanja** s 19 glasova „za“, 15 „protiv“ (iz Federacije BiH sedam, iz Republike Srpske osam) i bez glasova „suzdržan“.

**Ad.11. Izvještaj komisije Kolegija o nastojanju za postizanje saglasnosti o prijedlogu poslanika Senada Šepića za uvrštavanje nove tačke u dnevni red 60. sjednice Predstavničkog doma Parlamentarne skupštine BiH, koja glasi: Informacija o aktuelnoj poziciji, ocjeni spremnosti i sposobnosti Centralne izborne komisije BiH (CIKBiH) da organizira i provede fer izbore u oktobru 2018. godine“, broj: 01-50-1-997/18 od 20. 4. 2018.**

Predsjedavajući je dao uvodne napomene. Nije bilo rasprave o ovoj tački.

Prijedlog poslanika Senada Šepića **usvojen je u drugom krugu glasanja** s 22 glasa „za“, 11 „protiv“ (iz Federacije BiH tri, iz Republike Srpske osam) i jednim glasom „suzdržan“.

**Ad.12. Izvještaj komisije Kolegija o nastojanju za postizanje saglasnosti o prijedlogu poslanika Damira Arnauta i Saše Magazinovića za uvrštavanje nove tačke u dnevni red 60. sjednice Predstavničkog doma Parlamentarne skupštine BiH, koja glasi: Rasprava o radu, aktivnostima i postupcima CIK-a BiH u svjetlu predstojećih općih izbora i potrebe da budu organizirani u fer i poštenoj atmosferi, broj: 01-50-1-999/18 od 20. 4. 2018.**

Predsjedavajući je dao uvodne napomene. Nije bilo rasprave o ovoj tački.

Prijedlog poslanika Damira Arnauta i Saše Magazinovića **usvojen je u drugom krugu glasanja** s 23 glasa „za“, tri „protiv“ (iz Federacije BiH) i osam glasova „suzdržan“.

**Ad.13. Zahtjev Ustavnopravne komisije Predstavničkog doma Parlamentarne skupštine BiH u vezi s Prijedlogom zakona o sprečavanju sukoba interesa u institucijama Bosne i Hercegovine, broj: 01/1-50-3-1-62/18, veza broj: 01-02-1-2573/17 od 17. 4. 2018.**

Nakon uvodnih napomena predsjedavajućeg nije bilo rasprave.

S 33 glasa “za” (iz Federacije BiH 20, iz Republike Srpske 13), jednim “protiv” i bez glasova “suzdržan”, Dom **je usvojio** Zahtjev Ustavnopravne komisije da se Vijeću ministara BiH odredi rok od 30 dana za dostavu mišljenja o Prijedlogu zakona o sprečavanju sukoba interesa u institucijama Bosne i Hercegovine.

**Ad.14. Zahtjev Zajedničke komisije za usaglašavanje teksta Zakona o izmjenama Zakona o plaćama i naknadama u institucijama Bosne i Hercegovine za izmjenu jednog člana imenovanog iz Predstavničkog doma u Zajedničku komisiju, broj: 01,02-02-1-2015/17 od 17. 4. 2018.**

Nakon uvodnih napomena predsjedavajućeg nije bilo rasprave.

Dom se nije izjašnjavao u okviru ove tačke dnevnog reda jer nije bilo prijedloga za izmjenu članova Zajedničke komisije.

**Ad.15. Izvještaji Centralne banke BiH za 2017. godinu:**

- **Finansijski izvještaji za godinu koja je završila 31. 12. 2017. i**
- **Godišnji izvještaj Centralne banke BiH za 2017. godinu, broj: 01,02-50-19-861/18 od 2. 4. 2018.**

Predsjedavajući je dao uvodne napomene. Nije bilo rasprave.

Izvještaji Centralne banke BiH za 2017. godinu **usvojeni su** s 25 glasova „za“ (iz Federacije BiH 20, iz Republike Srpske pet), šest „protiv“ i tri glasa „suzdržan“.

**Ad.16. Izvještaj o radu Pravobranilaštva BiH za period 1. 1 – 31. 12. 2017, broj: 01,02-10-905/18 od 6. 4. 2018.**

Predsjedavajući je dao uvodne napomene i otvorio raspravu. U raspravi su učestvovali: Dušanka Majkić, Mirsad Đonlagić i Damir Bećirović.

Domu se obratio zamjenik pravobranioca BiH Ismet Velić.

Sa 21 glasom „za“ (iz Federacije BiH 17, iz Republike Srpske četiri), pet „protiv“ i osam glasova „suzdržan“, Dom **je usvojio** Izvještaj o radu Pravobranilaštva BiH za period 1. 1 – 31. 12. 2017.

**Ad.17. Izvještaj o radu Državne regulatorne komisije za električnu energiju u 2017. godini, broj: 01,02-50-19-951/18 od 13. 4. 2018.**

Nakon uvodnih napomena, predsjedavajući je otvorio raspravu. U raspravi su učestvovali: Safer Demirović, Dušanka Majkić, Zaim Backović i Mirsad Đonlagić.

„Za“ Izvještaj glasalo je 20 poslanika (iz Federacije BiH 16, iz Republike Srpske četiri), devet je bilo „protiv“ i pet je bilo „suzdržanih“. Predsjedavajući je konstatirao da nema potrebne entitetske većine i da će Kolegij Doma kao komisija obaviti **naknadno usaglašavanje** o Izvještaju o radu Državne regulatorne komisije za električnu energiju u 2017. godini.



**Ad.18. Informacija o provođenju plana hitnih mjera i realizaciji aktivnosti navedenih u Informaciji o procjenama i mogućnostima Bosne i Hercegovine u vezi s pitanjem izbjegličke krize u regionu i Evropskoj uniji i pregledu situacije u vezi s migrantskom krizom na zapadnobalkanskoj ruti, materijal Vijeća ministara BiH, broj: 01,02,03-04-741/18 od 14. 3. 2018.**

Predsjedavajući je dao uvodne napomene i otvorio raspravu. U raspravi su učestvovali: Nikola Špirić, Dušanka Majkić, Sadik Ahmetović, Nikola Lovrinović i Damir Arnaut.

U vezi s konstatacijom predsjedavajućeg da je u ime podnosioca materijala iz ove tačke prisutna pomoćnica ministra sigurnosti BiH, Damir Arnaut istakao je povredu Poslovnika i tražio da se u zapisnik unese njegova primjedba:

DAMIR ARNAUT: „Hvala lijepa. Znam, vidio sam da se pokušalo izbjeći ovo na što ću sad ukazati, al' ne možete tek tako zaobilaziti stvari. Član 181. stav (2) – ministre mogu predstavljati zamjenici ministara i ako se prisustvo odnosi na sjednice komisija pomoćnici ministara. Pa nemojte praviti farsu od ovog doma da uopšte se može razmotriti mogućnost da pomoćnik ministra izlazi za tu govornicu i da se obraća poslanicima, to se nikad nije desilo u ovom ....

MLADEN BOSIĆ: Ne znam o kakvoj farsu pričate, ja sam vas upoznao da je tu prisutna pomoćnica.

DAMIR ARNAUT: Nema ministra i nema zamjenika, Vi ste kao predsjedavajući trebali konstatovati, a ne da ja kao poslanik konstatujem da je povrijeđen član 181. stav (2). Dakle, mi ovdje nemamo ministra i zamjenika, ovo nije sjednica komisije već sjednica Doma i pomoćnica ministra ne može ni zastupati stav Vijeća ministara, a pogotovo se ne može obraćati ovom domu. Mi smo jučer na komisiji, o tome ću govoriti na iduće dvije tačke, imali pokušaj da se šefica odsjeka obrati oko pitanja koje je toliko bitno da je čak bilo potrebe da sam ministar dođe na komisiju i da to obrazlaže, ali on je poslao šeficu odsjeka, dakle nije ni pomoćnicu ili pomoćnika ministra poslao. I mi sad ovdje, znači, sad ulazimo u jedan, u jednu praksu gdje se eto konstatuje, evo kaže imamo, nemamo ovlaštenog predlagrača, nemamo ministra ili zamjenika, ne može pomoćnica ministra predstavljati nikoga na Domu i ne može se uopšte dovesti u pitanje da može pomoćnica ministra izaći ovdje da nam se obrati. Ima razlog zbog čega je to tako u Poslovniku. Insistiram da ovo u skladu s Poslovnikom, ova primjedba uđe u zapisnik. Zahvaljujem.“

Na prijedlog poslanika: Borjane Krišto, Nikole Lovrinovića, Predraga Kožula i Diane Zelenike, s 25 glasova “za” (iz Federacije BiH 16, iz Republike Srpske devet), jednim “protiv” i šest glasova “suzdržan”, Dom je **usvojio** zaključke koji glase:

1. **„Odgada se rasprava i izjašnjenje o Informaciji o procjenama i mogućnostima Bosne i Hercegovine u vezi s pitanjem izbjegličke krize u regionu i Evropskoj uniji i pregledu situacije u vezi s migrantskom krizom na zapadnobalkanskoj ruti, materijal Vijeća ministara BiH, broj: 01,02,03-04-741/18 od 14. 3. 2018, zbog**

*zastarjelosti same Informacije koja se odnosi na vrlo značajnu temu, a to je sigurnost u Bosni i Hercegovini.*

- 2. Predstavnički dom Parlamentarne skupštine BiH zadužuje Vijeće ministara BiH da, do naredne sjednice Predstavničkog doma, sačini cjelovitu i ažurnu informaciju u vezi sa stanjem sigurnosti u Bosni i Hercegovini u kontekstu pojačane migrantske krize.“*

**Ad.19. Informacija o projektu PRO-Budućnost i Platformi za mir, podnosilac: Ministarstvo za ljudska prava i izbjeglice BiH, broj: 01,02-37-1671/17 od 11. 7. 2017.**

Predsjedavajući je dao uvodne napomene i otvorio raspravu. U raspravi su učestvovali: Dušanka Majkić, Nikola Lovrinović, Momčilo Novaković, Zaim Backović, Lazar Prodanović, Maja Gasal-Vražalica, Predrag Kožul, Staša Košarac, Jasmin Emrić, Borislav Bojić, Sadik Ahmetović i Diana Zelenika.

Domu se obratila ministrica za ljudska prava i izbjeglice BiH Semiha Borovac.

Na prijedlog poslanice Diane Zelenike, s 21 glasom “za” (iz Federacije BiH 13, iz Republike Srpske osam), 10 “protiv” i tri glasa “suzdržan”, Dom je **usvojio** sljedeći zaključak: „Predlažem da se izjašnjavanje o Projektu PRO-Budućnost i Platformi za mir odgodi za sljedeću sjednicu, uz pokušaj o usaglašavanju primjedbi poslanika s ciljem mogućnosti jednoglasnog ili prihvatanja od strane većeg broja poslanika, što bi bila snažna poruka suživota u miru i toleranciji.“

**Ad.20. Izvještaj o razlozima neprimanja Agencije za razvoj visokog obrazovanja i osiguravanje kvaliteta BiH u punopravno članstvo Evropske organizacije za osiguravanje kvaliteta u visokom obrazovanju (ENQA), s konkretnim prijedlogom mjera za otklanjanje uočenih slabosti, podnosilac: Vijeće ministara BiH (realizacija poslaničke inicijative Salka Sokolovića, usvojene na 55. sjednici Predstavničkog doma, održanoj 21. 12. 2017, 17. 1. i 31. 1. 2018), akt broj: 01-50-1-2527-1/17 od 30. 3. 2018.**

Predsjedavajući je dao uvodne napomene i otvorio raspravu. Diskutirao je Šefik Džaferović.

Vezano za prijedlog Šefika Džaferovića da se, zbog odsustva ministra civilnih poslova BiH i direktor Agencije za razvoj visokog obrazovanja i obezbjeđivanje kvaliteta BiH, rasprava o ovoj tački odgodi za narednu sjednicu Doma, Damir Arnaut je tražio da se u zapisnik unese njegova primjedba:

DAMIR ARNAUT: „Poslovnik jasno propisuje da u odsustvu predlagača akta o aktu se ne raspravlja osim ako Dom ne odluči drugačije. Dakle, mi imamo uslove da ne raspravljamo o ovome i nema potrebe da se glasa. Evo, sekretar klima glavom i potvrđuje da sam u pravu. Samo još jednu stvar. Vrijeđanje poslanika, gospodin Džaferović je rekao – odakle ti da kažeš šta se može a šta ne može. Ja molim da ova moja poslovnička intervencija uđe u zapisnik. Ovaj, jer vidite gospodine Džaferoviću, mislim, mogu ja tražiti pauzu sad do pola sata jer smo još uvijek na ovoj tački dnevnog reda, ali neću da se ponašam kao Vi. Ali ja Vam sad zaista kažem, mislim ako Vi ćete tako, ovaj, se odnosit prema poslanicima, dobićete jednak odgovor s naše strane, to je sigurno, svaki put. Dakle, u ovoj tački dnevnog reda se ne raspravlja osim ako Dom ne odluči drugačije, mi samo možemo glasati da raspravljamo o tome, ako neko predloži, ali naša pozicija je da s obzirom da nema predlagača nema rasprave.“

Na prijedlog Šefika Džaferovića, Dom je, s 23 glasa “za” (iz Federacije BiH 11, iz Republike Srpske 12), tri “protiv” i sedam glasova “suzdržan”, odlučio da se rasprava o ovoj tački **odgodi za narednu sjednicu Doma**, te da se na sjednicu pozove ministar civilnih poslova BiH i direktor Agencije za razvoj visokog obrazovanja i osiguravanje kvaliteta BiH.

Sjednica je završena u 18.51 sati.

Sastavni dio Zapisnika je transkript 61. sjednice Predstavničkog doma.

SEKRETAR  
PREDSTAVNIČKOG DOMA  
**Marin Vukoja**

PREDSJEDAVAJUĆI  
PREDSTAVNIČKOG DOMA  
**Mladen Bosić**

